

夢痕僊館
詩鈔

翁翁題



832346

廣復僊館
詩鈔

丙午元月

梁振藻題

序

映奎交豫荃太史垂三十禩矣亦嘗



樞衣講業同趙德

之門刻燭催唵結吳渭之社敬禮下問陽春數聆君苗

自慙下風甘拜洎雲壤之一判倏燠寒之載徂其間鳳

翩承明鳧飛望邑猶復寄情落月惠訊涼風喜千穉之

定傳靡一行而遂廢逮夫甲辰仲夏謁君於東官寓園

時則平子歸田泉明開逕春風傾入座之愔夜雨續聯

牀之懽得悉讀大箸夢痕仙館詩鈔如酒傾元石心醉

三年如粥齧防風口香七日迺知神鋒電淬大樂雲齏

夢痕仙館詩鈔序

擷彼菁英爍成鴻采偉矣哉瓌編玉海佳句金聲足令

大雅驚其絕馳小巫聞而卻走者矣君儒雅宗匠神僊

宰官強臺早登弱水暫阻雖東西南北多過客之光陰

而風月江山是福人之供養輪蹠偶涉詩膽翻雄煙雲

鬱而藻穎標川嶽蟠而襟靄擴本旭厯銳銀之學縱飛

超騰蹕之才稽其吳會薄游燕京遠客應瑒赴舉幾度

看花李固登科一朝彈柳侍西清而弭筆詣東壁而觀

書固已扞采雲間蜚聲日下較之宿春申之浦月話題

襟汎西子之湖煙心入句覽古而追供奉述行而繼廬

陵回溯曩游又成異境俄以九華篡述宣三晉弦歌民
物歡娛簿書清暇凝冰呵硯具棣花水部之風永日垂
簾布桑下神君之化斯則桐鄉朱邑謝厥雅懷句漏葛
洪慚茲茂績者焉驚波人海歸颿浩然別業仙山初服
無恙盤谷大隱弗藉韓序而傳輞川閒居時索裴句之
和宜夫律以調而入細格以變而彌工也蓋嘗僭而論
之君詩幾逾千篇不名一體遣情則白太傅書事則杜
拾遺擷豔則李義山騁豪則蘇玉局唯其有我之見在
非徒酌古而步趨藉非臯牢六合卓躒五際而能臻斯

夢痕仙館詩鈔序

二

勝乎輒歎世降以來風雅寢汨新製日競異文焱興竊
媿隅於參軍便侈蠻語襲吐嚙於阿瞞空煩譯詞妖同
郭奴澀甚樊氏詫跛鼈之自苦嗟戰鷺其安窮惟君結
體清新覃想絲逸裴秀儒林領袖偉作包夫昔賢王筠
後進楷模頽瀾挽夫末學槃敦有主琳瑜自珍停澆濟
溺匪異人任矣映奎瓠質旂贅蓬心飄搖辱附蘭交諉
爲糝導譬之譚箭韶於龔俗述章冕於裸人猥作引隍
曷窺涯涘他日者秋澂玉宇再乘天上之風雲起鐵橋
更作人間之雨會昌一品愈展公才元和四言勤宣聖

德敷揚景藻垂光虹蜺則夫龍燭之所騰亦復麟編之
莫讚也已光緒三十一年小陽春月愚弟黃映奎謹序

夢痕仙館詩鈔序

跋

東坡遷海南詩格爲之一變意者其得山川風土之助乎顧嶺南三老以前詩人寥寥不多見是非山川風土之能助詩人亦在詩人自開其境界耳 國初詩梅村爲最後漁洋竹垞出樹幟南北海內從風而靡而三老者獨以其疏越寒峭之音鳴於瘴雨蠻煙之地則詩人果能自開其境界而山川風土又無不可以相助者也夫豫荃之學根柢深矣而七律風懷不減竹垞絕句神韻不減漁洋佳篇甚多不可枚舉古體詩氣骨少次然

夢痕仙館詩鈔跋

一

七古如夢遊西湖客邸見桃花五古如龍井賃黃君宅僑居平定里則通首渾成頗與坡詩相近其他名句如蘿岡洞荔支歌天然國豔悅禪味木犀參透初聞香清明郊行遇雨詩人茅屋近芳圃落日苔牆早閉門春日獨居今朝鴻爪猶留雪明日鶯聲不是春清思雋意殆非有仙骨者不能道顧其體製殊不一如宋宗姬墓題陸劍南集音節又似梅村能者固無所不可乎然僕深喜豫荃詩不爲奇肆之言而多清新之作蓋奇肆者可以貌襲而清新者不可以假爲坡詩之所以獨步千古

者祇以新勝耳咸同之交京師文酒之會猶盛三十年
來音響歎絕士大夫至僕僕不暇爲詩世變尤有可慨
者豫荃南北往來風帆萬里獨喜爲之可不謂豪傑之
士乎抑觀其甲午書事等詩抱負偉然蓋非徒以詩人
見者昔杜牧上李贊皇書論上黨兵事切中要害以牧
之弄月嘲風其才之可以濟世者乃能如此今豫荃以
朝官改尹於黎黎上黨縣也牧之曩所論兵地也時方
多故願豫荃究其所志益求所以固疆守而遏亂萌者
以助僕之不逮則僕之承教於豫荃者又不獨在於詩
也己清苑許涵度拜讀並跋

夢痕仙館詩鈔跋

夢痕仙館詩鈔卷一

東莞張其淦豫荃甫著

招友人夜敘學耕堂

幽花靜水繞當門竹徑斜通又一村我效漁郎來問渡
人間真箇有桃源

渡橋先上一方亭荷葉菱花暗遞馨獨倚闌干情自遠
默從波底數春星

橫空小徑石盤陀萬綠迴環帶一河愛向此間賒月色
小山亭上酒人多

夢痕仙館詩鈔卷一

舊築行窩合隱淪瓣香我亦重斯人
而今壓樹花千朵都是先生去後春

過芥菴訪今釋和尚遺跡

明金堡仁和人登進士自臨清守厯諫垣鼎革

為僧名今釋曾住錫吾鄉芥菴

我愛今釋師精誓結密密了心清萬緣丹霞敞禪室方

其身立朝觸邪氣毋屈至今留諫草風威挺霜質何年

參雷峯粲可乃師佛方袍且避世姓名何從悉筍廚親

滌器洗鉢意冲謚心花刪妄盡智燭照昏出掣風並掣

顛妙偈尙堪述

今釋有法偈曰自到雷峯十六年掣風掣顛今日丹霞捉敗推向人天等語

豈惟豆皮禪溟滓去其質傳聞振錫至玄講澈名實禪

林有蘼萼淵詠託雄筆梅花與桃花

今釋有題桃花圍與梅花興等詩載

海雲禪藻

洗豔著清律以詩爲佛事議論故難匹我來新雨

後菴前富霜橘煙霄問僧臘經文翻梵帙遺蹟無從尋

開土意蕭瑟法派猶多淪修史易漏失尙當揆古籍列

傳補遺逸

送春

送春如送客一去路漫漫暖霧驅雲出微風助雨寒萬

花飛上苑三月憶長安蝶醉蜂癡候無言獨倚闌

夢痕仙館詩鈔卷一

二

花埭紀遊

薔薇生露柳生烟色界誰分咫尺天恍惚銷金鍋裏去

珠江人上總宜船

十里嫣紅障錦塵花花中有一花神嶺南花事無憑準

月月看花當探春

佳人拾翠徑三三渺渺迴波豔影涵癡蝶尋香難渡水

蘭橈已過白鷺潭

量金栲栳買春來萬紫千紅次第栽豔福何因修得到

牡丹今日一齊開

花開花落奈愁何流水無心歎逝波惟有大通寺烟與
雨送人來往總情多

偕陳子礪單晴軒由天津舟往通州阻風數日

榜童漁唱罷津鼓送人行穩載一船夢虛縻六日程何
堪片帆影吹老晚濤聲幸有旅吟伴談詩解宿醒

春感

長堤芳草碧於油柳色青青亦上樓歸燕無心驚午夢
啼鶉有意助春愁登山臨水成長別伏雨關風尙未休
最恨小鬟初學曲銀箏頻按古涼州

夢痕仙館詩鈔卷一

三

素馨花

最難割斷是情根素影亭亭嶺上村不借胭脂眞絕世
卽傳名字已銷魂銀絲細縮花無迹鈿朶新抽月有痕
霸國江山何處是墓田猶自占黃昏

歲歲花田去問津好花如此莫成塵前生仙骨俾姑射
不死芳心是美人賸粉永霑香國馥白雲染得浣溪春

早知風味能裨茗

見陳白沙
素馨記

茗椀爐香祀太眞

茉莉芳名漫比妍鬢華本是奈何天鷓鴣林裏雲誰宴

楊慎素馨詩鷓鴣
林裏鬪芬芳

歌舞岡頭雪滿田南國春深珠迸淚西

陵香散玉成煙蛾眉淡掃眞千古回首朝天意惘然
盈盈郁郁萬千枝搓絮團酥恨別離風度枕函香瑣碎
月凝寶髻玉參差瓊樓夢醒新寒候青塚魂歸暮雪時
舊苑池亭何處問曉霜涼露滿疏籬

蘿岡洞荔支歌

紅雲羃徧嶺南地海山仙人醉顏媚綠珠宴罷迴山阿
碧繒紅綃皆近侍蘿岡洞裏細枝濃焚繩灑霽鱗成龍
素華遠挽使君駕絳羅密胃楊妃容翠羽明璫弄顏色
赤露凝脂異香溢風味應須共一樽

王十朋寄荔支詩
一樽何日廣文同

夢痕仙館詩鈔卷一

四

懷袖何妨置三日

掛綠去壳懷
之三日不變

候仙臺是羣仙鄉玉爲

肌骨霞爲裳天然國豔悅禪味木犀參透初聞香

桂味
香如

犀我登牛首峯紫羅白玉掇青籠復來蘿阮寺雲液冰

丸比星墜紅水晶嵌平聲碧水晶瓊漿定勝雲英餌昔時

探梅停雪車玻璃泛海開仙葩今來摘荔愛佳種量晴

課雨詢焙家洞中不識世外味綠肥素豔皆生涯

范成大詩

綠肥新
荔子

巴圖蔡譜未賞識漢貢唐驛無紛拏更喜催租

吏不至時有玉局來三义錦傘遙張樹陰幄珠絲滿綴

釵頭花一椽此地肯相假藤蘿補屋牽紅霞

毒龍歎

火光煜爚飛入屋片片魚鱗落坑谷萬家枕藉一骸骨
遠道親朋爲悲哭檢料殘尸或漏網生死呼吸炯兩目
自言初見災起時怪雲坱軋東南垂之而鱗甲半空露
眼光作電金蛇馳日馭淪精鼓聲死滿腹雷霆吐空裏
萬里黃河捲尾來勁雨射人疾於矢狂飈撼山山欲搖
捲茅拔木隨飛燹不辨風雨聲雜拉但聞人鬼爭喧囂
高棟層軒付灰燼千門萬戶同烟消我聆此語傷慘酷
歎息斯龍何太毒往年珠海肆妖燄宏梁大屋盡傾覆

夢痕仙館詩鈔卷一

五

華陽割耳罰尤輕天怒何當寬殄戮今復張鱗擺頰來
坐使生民窘危蹙十里無人誰拾骨鬼聲啾啾夜相逐
龍兮龍兮爾胡不潛於深淵或見在田飛在天龍池之
廣七百里縮鱗卷鬣堪蚰蜒婆羅門咒今猶傳若再肆
毒難舍旃吁嗟乎若再肆毒難舍旃我非咒鉢徒安禪
次韻和杭堇浦南漢金塗鐵塔歌

訶林日午炎風歇列刹垂珠寶花結東西兩界接南天
神龍負出雲中立層臺夕敞開霞綺繡拱朝明卷虹蜺
望去蒼蒼太清表凌空僊掌誰提揭當時佞佛闢莊嚴

此日遊人供玩擷我來開梵風旛堂支雲驚等風花瞥
露裏飛鸞萬燈影光中垂鳳孤桐節鯨牙怒立瘦蛟蟠
辟支相輪仍替戾火珠蕉葉烟長護寶座蓮花莖未折
錢鏐銅塔鑄何年太息興亡同一轍秋風秋月冷啼鴉
恍惚簷鈴自悲說君不見槃蓋偽書大寶年金光塗盡
民膏血貂璫罪比浮圖高祈福惟知眞宇列不鑄賢臣
鑄窳堵大錯應嗟九州鐵又不見執挺降王去不回古
道呼鸞王氣洩素馨斜畔好花殘昌華苑外寒更徹金
仙哭漢露盤傾銅駝感舊霜笳咽玉清宮使今何在青
苔繡蝕銘辭滅龍躬鳳厯語徒然佛力何曾濟顛蹶

夢痕仙館詩鈔卷一

六

銘有保龍躬有慶
祈鳳厯無疆云云

翻笑聚金綴寶時蕭閒大夫亦癡絕

塔案

我今懷古和長吟諸佛不嗔龍敢掣吁嗟乎大千世界
等泡幻江山歌舞仍淪沒幸存斯塔幾摩挲細剔霜花
散珠屑

虎門舟夜

造物儘好奇兩峯挺昂屹二虎踞當路下有蛟龍窟山
險與水拒水怒山欲決何人操扁舟波浪時出沒海底
日初斂雲陰錮山骨軒然大波起意態雄且傑騰踔聲

隆隆悲風助幽咽
呷崖雷霆怒撼岳
蛟螭活平居
瞻似
卯到此豪氣奪少焉
天容清丸月浴波
出陡覺銀山低
白馬倦而歇
天光與水光盪作一片雪
山容睡初醒
夜氣亦清絕
布帆幸無恙
漫自心膽裂
天時如世事
顯晦儼倏忽
昨時氣何昏
今時景何豁
變幻本無常
斯理我早達
不見危時苦
宜見安時悅
持此問波神
波神亦心折

舟行

扣舷聊和水潺潺
一葉扁舟渡遠關
東去波濤爭入海

夢痕仙館詩鈔卷一

七

西來雲氣欲沈山
數家烟火成生理
一雨蒼涼洗醉顏
聞說稻梁猶未足
天邊遙指雁初還

七月五日道涪鄉觀競渡

七月五日天始晴
衝烟一葉孤舟輕
星依雲渚花簞冷
解維夜泊鳧鷗驚
稻花如瓊炫秋白
曉風沙岸漂流螢
龍舟正趁初日出
遠聽擊鼓聲轟鏗
輕橈亂動光現爪
微雲旣散時流形
水花飛處一片白
不見人影聞人聲
乍觀懸絕數十丈
撇旋忽向身邊迎
有如渴驥赴泉水
兔起鶻落飛霜翎
勁箭脫手電過眼
斷絃離柱風穿櫺

初時以整以暇出少焉參錯如流星有人奪得錦標去
波濤撐突何曾停後來銜尾亦欲進戢鱗委翅終無成
捷足人已登彼岸斯猶聚散如浮萍人生爲學本如此
所當斯邁而斯征半篙不上卽落後再接再厲宜兢兢
凝眸使我寸心耿何當萬里催雲程

柳

花帶斜陽到舊枝
搖烟輒碧向人時
年年送客長安道
那有春風縮別離

春黛渲妍漬彩毫
更須柳汁染藍袍
苞苴莫笑人間廣
九烈神君要棗糕

夢痕仙館詩鈔卷一

八

袖海樓看月酒後作歌

麟洲有酒沾玉泉
晃花蕩漾波涓涓
殷紅浮脆擗仇脯
金盤細贈銀絲鮮
明珠娛客招媚川
濃香薰骨膩若仙
蕘手嫖姬捧杯杓
眼波嬌利語操絃
平生不解紅裙醉
昌黎只結文字緣
高呼美酒遣嬌豔
夷光屏外鋪華筵
白玉爲堂雪爲氈
忽見月出波中天
嫦娥斜倚桂樹泣
似傷老大啼嬋娟
此時珠海宵正暖
水氣蒸出團團烟
珠兒珠女踏歌處
溼雲如夢鋪春綿
拖藍新染十頃練

葭蒲不動鳧鷗眠清絃脆管忽競奏夜深誰放中流船
得非愛此月光好閒攜阿輓吟紅蓮歌聲宛轉一索珠
冰含遠溜斷復連縈烟裂玉聽歷歷李娟張態疑翩翩
此際吾欲忽逐逐反思愜當求魚筌坐中無妓已屏絕
心中有妓頻句牽乃知學道少定力曷若三昧參情禪
亦如富貴等桎梏旁觀翻效蟻慕羶局中不若局外樂
古人惟受今人憐雲烟過眼皆幻境請看缺月無常圓
悲歡離合閱千載頑蟾狡兔嬉年年珠江江水流不盡
高樓恰壓春江邊袖中東海收玉局此老曠達非言詮

夢痕仙館詩鈔卷一

九

藤江看月獨夜起洗心江水心怡然俯仰宇宙皆樂境
何曾謫宦悲三遷斯樓名字洵佳妙况屬風景來無邊
舉杯邀月屢起舞瑰章麗句誇輕儇歌成不招歌者唱
此曲有意誰能傳

秋蝶

漫憑人喚作春駒秋色初歸路欲蕪烟霧沈沈迷院落
野花凝碧點菰蒲

粉腰盈膩笑情癡點綴秋光又一時試去豆瓜棚外望
西風斜日影離離

少年裊屐擅風流羅綺叢中逐隊遊解脫繁華證仙骨
深秋風雨夢羅浮

淡淡籬陰短短牆淒迷青草上陂塘從今搨得滕王本
最怕披圖對夕陽

夜泊

解維泊前灘濛濛月初上簫箏緣坻阪墜葉帶滌沱藻
芾與菱芡植根靜塵埃開窗試俯瞰頓起蒹葭想伊人
渺何處一水頻蕩漾同遊寡伴侶孰共塵外賞呼童爇
春酒微醺意軒爽枕劍詩假寐條然出塵網蟲聲攪清
夢亂作鵝鸛響流湍亦何急潛匿出奔涉

夢痕仙館詩鈔卷一

十

由京都寄何菊朋世丈

一去京華雁信遲車塵染盡客衣緇况經落葉秋來感
倍憶挑燈夜話時楊柳陰稀馳夢遠芰荷衣冷帶雲披
羅浮仙觀曾移否好與梅花作主持

家嚴與鄧蓮裳觀
察擬移羅浮梅花

觀於白鶴觀側
屬丈董其事

題陸劍南集

少陵無人子瞻死劍門黯淡秋風起放翁放筆振天葩
更使山川被文綺悲風蕭颯入詩律楊范尤蕭迴非匹

哀絲豪竹寫閒情酒榼琴絲鳴俠骨峨岷蒼蒼高並天
筆鋒直倚青山巔拈髭一笑不中用幾莖白髮欺殘年
西戍梁州纔幾日悲歌易水風蕭瑟判斷江山六十年
金仙淚灑銅盤血散關清渭兩悠悠恨滿乾坤易感秋
死近要離擬穿塚生隨李廣誤封侯駐驂臨安憐草草
新亭收淚憐公老夢中奪得松亭關徒使新詩寄懷抱
燕歌慷慨短長吟荆棘銅駝感慨深江山半壁蒼茫眼
驛路殘燈燈破碎心遣愁難似黃河塞潦倒停杯揮醉墨
唐衢痛哭本非狂莊烏悲吟自難默從古騷人感喟多
棧邊老驥奈時何王師未見中原定臨死徒聞呼渡河
何論梁益飄風舸身世茫茫遭轆軻至今開卷接音容
恍惚殘箋和淚寫

驅車歎

陰雲崩層巒愁霖閉旬日飛澗沕相礮顛風撼圭筆登
高俯波濤斷岸潰淪溢倍苦征途難柴車聚牽率春泥
滑如脂盤盪陷成窟水激已顛過輪低艱尾脫連卷知
後重跣踣競前拔力竭惟束手淤深久埋膝但不占滅
頂遑恤污衣褐憶昔滄海行駭波蕩桴筏激颺礮沙石

芻劬勢逾疾驚冕易失侶死生嗟不卒檣師面如土維
稍奮前發微軀意甚惜中道勢難歇歎彼驅車人勞勞
同一轍危如九折坂引轡敢馳突棧道未云險蛇行易
詰屈大地一沮洳欲填土難撮臭腐蒸溼氣噉溷入肌
骨河魚覓鞠薊嗽獲中慘怛勞生膠轍多憂虞何時畢
吁嗟泥塗裏賢者辱奇質衣冠豈能坐勞薪未遑恤前
途愈汗下藏垢起窟凸慨然欲鏟平假手無寸鐵

落花

褪紅愁見一枝枝簾幙陰森鎮日垂傍晚郊原誰惜別

夢痕仙館詩鈔卷一

三

殘春煙景不多時東風有意催歸燕夜月無情怨子規
竹外何人拖屐至倚闌心緒亂絲絲

斜暉送客益淒然花事蹉跎又一年屋角癡雲猶倦戀
樓頭飛絮與纏綿春愁不飲渾如醉好夢無多總化煙
惆悵南園雙蛺蝶夜長同怨別離天

懊惱一曲和淋鈴墜素翻黃逗綺櫺細雨亂飛歌舞席
晚烟狼藉短長亭玉環香散留塵襪金谷珠殘逐浪萍
爲問春歸何處去山長水遠路冥冥

紅牆一角卽天涯料峭風微樹影斜最是鍾情宜我輩

更知歸夢到誰家美人薄命終黃土漁父尋春泛絳霞
從此繁華須解脫舊遊且莫說看花

長安走馬少年場杜甫江頭易感傷水面文章誰賞識
酒邊情事漸悲涼金鈴可護來偏晚茵溷長飄去任忙
花落花開等閒事不應連日起風狂

馬蹏蝶影逐香輪愁煞尋紅訪紫人泥滑怕黏初過雨
波長猶剩可憐春三生化石仍情種萬點飄風感劫塵
我是香山老居士荒園回首淚沾巾

夢痕仙館詩鈔卷一

三

饑春同上望春臺如霧如烟錦水隈攪起離思風裏絮
祇餘生意畫中苔後時杜牧原多感前度劉郎悔又來
畢竟有情天易老固應紅粉早成灰

閒階指點掃花僮鬱鬱埋香玉一叢麥飯春城寒食冷
棠梨孤塚夕陽紅無言悟到神俱化有恨方知色是空
怪底連朝歌不得未堪腸斷倚東風

讀張子野集有感

風流老去惜鶯鶯子野歌聲怨暮春淚眼已枯心事盡
不須更問意中人

邊雁步鄜湛若原韻

秋意滿金河天邊雁影過行蹤憑雪證歸意似雲多遠
道稀書札故鄉仍網羅孀雌悲舊侶此日奈君何

江村

江村餘落日幾處釣人家野色明殘水詩情逗晚霞忘
形狎鷗鷺隨意膾魚蝦何必武陵去偷閒度歲華

小雨

簷雨侵寒夢黃昏早閉門樹鳴風有信烟重月無痕戰
蛩此孤垤歸鴉何處村有人還望澤趁勢好傾盆

賃黃君宅僑居平定里

夢痕仙館詩鈔卷一

古

少遊黃公廬嘉樹蔭堂構春風隨意到桃李積陰厚黃
公已老去百歲感眉壽仙人九里香木名遺根日孤瘦亭

軒無人窺花木喜予儻蓬芟仲蔚宅燕泥洗宋廡榆柳
轉青翠竹栢漸森茂春蘭抱幽芳亦長一枝秀人生百
年耳千憂萬憤湊悲歡細故憶喜怒寸心購何如息籛
廬把盞酌青耐焚香熾疇昔觀書去孤陋間來東籬下
菊譜自商究菊花不笑貧傲骨肯相就多應鄙岑生黃
金滿衫袖交遊刪荆棘俯仰隘宇宙何當作新詩鐫字
涇苔登

齋外種竹成陰漫賦

微風蕭蕭屋角鳴，新月初出涼有聲。
紙窗一簇鎖寒碧，幾時滿種琅玕青。
籬籬紛紛鞞鞞見，鳳尾過簷楹。
寒玉夏助清籟響，屑金爛奪晨霞明。
水氣逼雲雲不停，寒雲時向林中行。
林中何人手葩經，烟思粉態生詩情。
戲拈竹管寫冷句，詩心與竹同一清。
去年羊城五月旱，睡魔日日來無寧。
炎炎蒸處夢魂熱，手揮羽扇汗入翎。
今年幸得此君伴，湘簾碧篆交迴縈。
故人苦熱盍訪我，一杯竹葉聊同傾。
醉中試把楚辭讀，江潭風露真冷泠。
不須遲暮自嗟嘆，龍鍾更植羅浮莖。

夢痕仙館詩鈔卷一

五

七夕坐輪船行大海中

一夜濤頭挾雨腥，銀河傾影入滄溟。
空懷白馬靈胥恨，怕看牽牛織女星。
地有風波心莫險，人多離別眼頻醒。
未應乞巧登樓去，猶望勞勞送客亭。

閉戶

閉戶聊爲快活歌，濁醪麤飯共吟窩。
雨聲著枕夢魂溼，春態如人變幻多。
灘險已傾惶恐淚，津迷休涉利名波。
年來獨得安心法，歡笑勝愁似夢過。

尋春

蓬蓬何處是幾日費追尋南浦波纔別西州雨又淫斜
陽歸燕影長夜杜鵑心多謝流鶯意笙簧答苦吟

遊滬上花園

水閣風廊邈迤開臨江四面敞樓臺甘橋占斷春申景
分得揚州月色來

追悼

悟得因緣總是魔不愁春老怕春過紅綃寄淚誰能遣
紫玉成烟可奈何細膩風光空想像長安歲月易蹉跎
歸來備歷津梁苦又見乾枯到愛河

夢痕仙館詩鈔卷一

六

尙想朝雲未嫁時六如寶偈教參差換來鏡裏三丫髻
誦得泥中一首詩素質愛看臨水影翠痕遙列遠山眉
樂天往事重追憶誰道林花不戀枝

芳訊傳來紫陌風露桃新綴玉霄峯佳期天上遙爲訂
如願人間豈易逢蝴蝶穿花花密密鴛鴦織錦錦重重
淡蛾素面長相對記得香兒舊日容

愛潔耽香是性情水紋珍簾夜淒清柳枝小別嘲韓子
茗椀頻供愛馬卿笑我三年迷色界困人千丈有愁城

淚痕裊破胭脂壺內紅冰勝紫瓊

新妝時世問誰家蝶粉蜂黃洗臉霞語取吉祥釵化燕
事同潦草髻盤鴉珮環未贈西王母條脫虛傳萼綠華
試憶風情何日好玉簪許插鬢邊花

萱枝搖落北堂秋庭草誰云尙解憂紅袖伴時猶帶笑
朱櫻剝後半含羞香辜衾底宵宵夢春入眉間點點愁
嬌鳥莫言花莫語箇中心事怕登樓

郎主仙城愛讀書年年別淚灑方諸飛花著枕重牽緒
悶繡停鍼忽整裾珊海月明淒隻雁珠江水闊滯雙魚
早知春去無歸處應悔春宵領畧疏

夢痕仙館詩鈔卷一

七

今昔何論是與非宦情鄉思總相違來由續聽鶯兒說
消息空憐燕子歸縱使有詩追絡秀無因裁紙寫楊妃
從今莫作繁華夢屋角繁花作絮飛

合歡誰謂忿能蠲竟聽孤鸞隕鏡前蘭露尙留新膏沐
荷珠算結短姻緣難從寶月偷靈藥悔向春風種杜鵑
遺篋忍來重檢點碧窗紅淚冷涓涓

錦瑟長思去後身半緣辜負半因循人生行樂情須懺
我見猶憐語豈眞丹繭漫抽心裏緒紅鴛怕歷世間塵

愁來忽憶樊川語
栲栳量金買斷春

春申浦客舍題壁

年年壓線同貧女
歲歲看花惱使君
下第正裁歸燕賦
嬌鶯留客莫殷勤

寶馬香車大道馳
王孫曾爲倒金卮
年來俠骨銷磨盡
不愛英雄愛女兒

市屠作伴影非孤
又識高陽舊酒徒
莫效東坡頻說鬼
暗中應有鬼揶揄

啼鳥飛花總斷腸
怕聞鈴語說郎當
故人約我西湖去

夢痕仙館詩鈔卷一

六

定有新詩壓阮囊

英夷跑馬場觀賽馬

國人馭馬如馭夷
馬乃驕悍不受羈
夷人馭馬如馭虎
馬畏憑陵就規矩
不盡馬力得馬心
刻剔毛鬣時芻苓

探前蹶後悉中法
蹄間何必無三尋
闢地爲場圈十里

圈外馬車如流水
傳聞馬政乘馬來
放馬及定甲堵墻
乙者爲馬政

觀者色皆喜
軍馱趨迅肉連錢
晚影高鳴馬政前
青絲絡鼻一齊放
絢練滅沒如雲烟
分馳角逐跳涯涘
龍翥鴻驚未足擬
天山猶自隘圈東
何況區區馬場裏
去時

亦混羣馬中血汗流赭塵飛紅草頭一點似珠瀉跡
回唐獨先下一擲百萬爾何人夷人賭馬費常百萬拍手歡呼倚
廊序歸來蓄怒猶未洩爭道是龍不是馬我來觀罷神
飛揚權奇未易施羈纏胡馬由來貳師種安得盡輸御
廐旁使隨良將守四方善其芻牧資騰驥天馬歌成九
夷服莫向馬場歎蒿目

淚痕

愁似來潮淚似波經天東注已成河玉壺有迹應難滅
金屋無人喚奈何蠟燭垂垂知夜永楊花點點入春多
天涯淪落香山老怕著青衫去聽歌

夢痕仙館詩鈔卷一

五

子夜聞聲斷客魂鮫珠粒粒已盈盤雨中莫說行雲事
襟上誰疑是酒痕夢去並垂江筆露滴來潛長海棠根
長門破涕知何日幾度虛懷拂拭恩

此際愁看咫尺顏浩歌盈把任浚潺手持金箸淒涼候
懷滿瓊瑰錯落間望去梨花春帶雨染來湘竹暮成斑
不堪復對秦嘉鏡漏瀝燈寒擁髻鬟

何人霧裏尙看花冷露無聲溼絳紗秋水遠浸眉際黛
濃胭分界臉邊霞銀絲斷續金梭冷珠箔依稀玉筋斜

知有愁苗連日長紅冰細結唾壺葩

滬濱兩妓行

滬上風俗倣高樓聚羣妓以琵琶唱曲名曰聽書場其中能唱者推華彩玉周月卿爲最己丑秋余罷耗南旋寓滬數月最賞識之因招致酒筵度曲乃知華彩玉曾嫁粵香山富室夫死大婦不見容復操舊業周月卿訂嫁某太史屢約不來時二人皆年屆三十徐娘雖老風度猶存然皆有厭倦風塵之意夜半泣陳如怨如慕根

夢痕仙館詩鈔卷一

三

觸余懷不能自己亦爲之泣數行下蓋不數江州司馬聽潯陽江上琵琶也因賦滬濱兩妓行百花里外花如雪黃歇浦前歌未歇聞歌正好入花叢揀取花枝五情熱就中歌者誰最佳華周二妓渺等儕白紵含顰愁愈豔紅娘拋打醉能諧別有幽思通慢曲並將苦語間淫哇絮殘作粉原難擬梅標尋春恰有懷我來正值重陽後最憐蝶老黃蜂瘦菊花叢裏抱琵琶點拍雙雙向花奏初撥鶻絃秋月明含商轉角如有情重蓮截得曹剛手折柳調將子夜聲若焉一聲飛霹靂

金刀擲劍箭鳴鏑黃河已決南山崩沙石相磨水相激
折冰破竹安能同千軍萬馬喧霜風潛蛟巨壑吼波碧
寒鴉老木啼林紅忽焉音斷又音續淙淙流水鳴幽谷
碎珮叢鈴隱約中轆轤霜夜出茅屋蒼茫雲裏雁呼羣
淒咽城頭烏啄肉孤舟嫠婦苦衾寒遠塞疲兵枕戈哭
黃沙百草夜吹笛風緊水寒朝擊筑蠻絃代語將毋同
按節收聲頗嫌促穿絲透管移清商輕籠慢撚抑復揚
琵琶真是韓憑木譜到鴛鴦斷客腸鴛鴦底事難成侶
拂水綠雲牽舊緒啼鴉總無端恍惚女蘿山鬼語

夢痕仙館詩鈔卷一

三

我聞一曲潛辛酸曲終又聽錯雜彈彈入曲髓曲肝腦
教人怎不摧心肝摧心肝爲花惱花如解語語偏多誰
能保得花常好華娘起坐先致詞記得芳齡十五時初
諳行雨梳雙髻更畫涵烟鬪十眉柳弱曾移京洛種桃
開常有武陵期豔錦纏頭誰記憶王孫先贈定情詩色
藝敢誇吾輩右旁人盡說風流藪春到願爲連理枝秋
高易結同心藕自從范蠡載扁舟明月珠江樂唱酬花
依翡翠重簾底塵壓鴛鴦古渡頭回首同行諸姊妹杜
鵑無賴託春愁郎君白晷情自喜多情豈料緣情死豆

蔻胎殘錦露微芙蓉被冷香雲委紅淚徒縈唾玉壺碧
窗裂盡銷金紙登場宋玉又依依度曲文君聊爾爾門
外花開又花落可憐片片風塵裏重尋舊伴到申江水
調彈來要換腔鈿車復整青油幕銀押新安白玉窗債
重謠臺尋九級愁多悶盞倒千釭曾約踏青花徑去最
憐蝴蝶一雙雙夢魂猶斷香山路別意徒吟楚水雙似
啼似訴還似泣未完幽語羅衾溼轉顧周卿語也無斜
抱琵琶自嗚咽卿雖不語我先知薄倖誰爲杜牧之從
來好事非眞事遂使佳期又後期何年結恨黃金縷何
處交根碧玉枝化爲怨蝶三春夢未死癡蠶萬丈絲間
來拈得相思字葉上題詩寄阿誰此時酒醒頻回顧爲
問年華半吞吐未嫁方云欲嫁難已嫁豈知因嫁誤我
亦年年作嫁衣紅龍補袞羨金妃河漢難求烏鵲渡長
安虛唱鳳凰機樓頭飛絮去何去陌上看花歸未歸可
憐作雨心情急翻羨閒雲無是非酒懷寥落添新恨病
骨支離減舊肥市中屠狗堪爲伴淨洗金卮拂玉徽從
來歌者不惜苦但傷世上知音稀昔年聽歌花正發春
風剪剪度香窟今年聽歌花事殘繁霜易上征人髮莫

謂今年似昔年惟留古月如今月君歌且休聽我歌我
歌似較君愁多美人此日隔江水麴塵正上春衫羅南
浦歌離且呼酒東風吹夢無定波香山偶爾逢商婦玉
局從知感夢婆陶情絲竹中年事子野無如喚奈何奈
何往事徒追憶把酒消愁愁靡極願卿且復歌此詩莫
謂聲悲歌不得

和王百穀寄出妾無題詩八章步原韻

百穀有妾名青琴以婦妬出之一日妾遺素帨
繡句云侯門一入深如海從此蕭郎是路人王

夢痕仙館詩鈔卷一

三

爲之感賦無題八章託老嫗寄之而妾已縊王
鳳洲曾有和句云妾與書生俱薄命花隨青帝
不長情興言及此其感深矣僕江湖落拓旅館
淒涼悼我生之不辰撫斯篇而遙和亦不知涕
之何從也

一枝穠豔出墻斜何日移來月姊家錦帳不禁殘夢裊
星河恐有斷雲遮春歸滿綴紅心草秋老難留碧玉花
彈得鴛鴦飛兩處韓憑無木作琵琶

高樓迢遞曉風淒紫袖遙牽翠幙低已換新巢孤燕怨

惟吟別調暮蟬嘶湖邊楊柳枝誰折階下梧桐葉不齊
借問消愁何處去酒帘遙指杏花西

蕭郎寶馬躍紅鴛重向風前覓野棠蝶戀餘香花外舞
鶯隨春色柳邊藏韋皋老去詩成淚陸展朝來鬢有霜
苦憶楚襄雲雨地再無好夢到巫陽

繡幌何年遠寄來不堪重上望夫臺殷勤猶裏相思豆
歡笑難同連理杯望斷人間青鳥使虛傳天上碧桃開
淚痕雨點誰分得並滴階長綠苔

一日三秋賦采蕭蘭房重到影寥寥麝臍遺恨春長去

夢痕仙館詩鈔卷一

十四

蝶粉無多夢亦消門巷何人悲落絮天涯有客怨歸潮
書生薄命眞同妾幾度思量不自聊

無心悵望到牽牛歷盡金風玉露秋此日難收同水覆
當年猶記下幃羞虛言因果三生石誰證情禪一指頭
巷柳園花俱寂寞莫隨王粲又登樓

一入深深如海門難期故主說新恩同心椀子偏遺恨
憶別梅花總斷魂琴客五絃聊度曲息嬌三載尙無言
定知詩興劉郎減無復題糕示孟崙

錦字瑤緘墨整斜人同燕語共周遮難期他日重圓鏡

留得前春舊浣紗道路虛傳妃子襪詩歌怕詠女郎花
綠珠縷縷香魂在不入鄰家入石家

陳印波邀洋酒樓小飲偕陳子礪潘星河聽奏夷

樂

黃羊肉羶凝脍酥脍爲漿兮茗作奴玉壺承酒蘋碧色
翠濤黏盞如醜醜角燈綠燄紅氍毹牆毳幕看模糊
酒酣忽聽眾樂作匪是琴筑琵琶等俳優侏儒狄鞮倡
競奏水曲聲鳴嗚豈必夷歌作顛縣始悟碭極侔巴歛
紫鬚又奏蘇莫遮玉螺銅鼓文身趨躡容銳氣世所畏

夢痕仙館詩鈔卷一

三

摩訶兜勒傳非誣吾聞舒難陀獻驃國樂謹奉正朔來
皇都太常編科紀鞮鞻扶婁效智趨若臆今之橫吹胡
爲乎忽覺腥風生海隅屠龍瀹鳳食不得頓令嘔吐污
袍襦豈惟嗜好頃刻異熱血亂湧心膽麤我醉欲歸倩
客扶隔座笑倒雙胡雛

有感

芙蓉花外燕雙飛獨倚西廊淡夕暉輕剪雲綃催短夢
如絲風柳滲春衣碧窗月落人初去紅燭烟多淚亦稀
虛託巫娥傳怨意丁香何處結潘妃

夢痕仙館詩鈔卷一終

月殿星房散暮霞
忽飛銀線脚如麻
雨師莫放秋霖盡
留向明朝要洗車

斗帳盤龍著霧霏
四簷懸滴雨聲微
未應太液池邊閣
猶踏金梯曝后衣

牽牛花上淚偏多
咫尺紅牆奈爾何
翻恐銀河真滲地
人間又長別離波

夢痕仙館詩鈔卷一

夢痕仙館詩鈔卷二

東莞張其淦豫荃甫著

海上新樂府錄三首

電線報

行行雁足穿雲羅鯉魚尺素漂洪波魚沈雁渺久不至
美人消息今如何排空御氣奔若電山海萬重通一線
春羅翦字慚未工秋水相思忽如見奇器不妨袖手觀
用電不難收電難礮礮目瞬龍轉風迴大海生微瀾
絲絲弱線繫坤軸郵筒斷竹復續竹居然奇術能縮地
要使傳聲應空谷沈者沈浮者浮一線能行五大洲煩
君日日作書郵邇來華夷皆輯睦中外文移轉瞬復迂
儒憂國不憂家平安家信來何速

東洋車

東洋車街東街西紛如麻不用馬駕用人駕聯翩奔走
如翔鴉輕盈低幕擁油碧隆隆之聲觸瘦石合諧童唱
車延延並載鬢歌鹽昔昔驅車借問爾何人雨淋日炙
秋復春懸鶉垢衣生碧蘚肉黃皮皺裂齟齬唇兩日乃進
錢一緡歸來乞火炊向晨車廠索車討車值布衾典盡

鬻葛巾囊空甌倒情逼迫可憐尙有烟霞癖已見貧薪
不燭竈且操管竹臥橫席東洋車夫爾知乎西北亦有
窮車夫酸風獵獵塵滿途征輪碾雪曉戒途日日囊入
千青蚨有錢沽酒歌烏烏歸謀養畜歡妻孥爾獨委骨
填路衢阿芙蓉癖殘其軀吁嗟乎阿芙蓉癖無處無君
不見坐車之人形容枯

賣豬仔

羅薦蘭湯笑薰沐誰道生人乃生畜父愛母惜逾十年
向人啼笑得人憐香綳繡襪聲呀呀鳳雛驥子誇賓筵
問爾長成誰氏子竟賣外洋作豬仔東家願賣猶得錢
西家被騙如驅豕兒思見母苦無自母憶見兒長已矣
萬重滄海兩人心兒不欲生母欲死屠伯來豬仔悲屠
伯去豬仔喜或悲或喜無已時借問有司知不知有司
欲禁禁無策至今年年豬仔滿番舶

東莞十二詠

鎮象塔

南漢時羣象害稼官殺之大寶五年禹餘
官使邵廷瑁瘞其骨建石塔鎮之塔八面

上勒佛像下刻序文咒語約千餘字今剝落過
半矣存縣城古廟中

塔身出地四尺高八面雕刻相週遭雨淋日炙漸剝落

尚騰細字如牛毛我來細剔蒼蘚讀推測點畫窮秋毫
上鐫佛像下經梵序事不竭詞滔滔維時大寶紀年號
上柱國邵嫺兵韜敬恭桑梓倍情切忍令萬戶哀鴻螻
秋成忽患羣象至踐食禾黍殘田蒿長官奉勅得捕戮
鄉閭擊鼓戈矛操徒車轡轆盡瘞仆鎚胸解脰煩鸞刀
決唇血出羣截齒流脂火入仍焚膏筋皮鏟盡臍斷骨
委棄塵土紛腥臊深巷凌秋逼犬吠枯魂夜月隨猿號
爰瘞遺骸起滯魄廣招僧眾懸靈龕浮圖永鎮環磬石
入地何止百尺牢古銘瘦蛟蟠替戾幽扁神馬追輪尻

夢痕仙館詩鈔卷二

三

至今峩我樹古廟將軍恩德山戴鼇指點興亡說南漢
憑弔幾費杯中醪七級莊嚴競邀福熏涿氣燄陵官曹
忠良枉死梅嶺失三年碧血飛秋濤一片降帆出南海
式微徒詠邱中旄歌舞岡荒月俱冷媚川浪擁沙爭淘
金塗鐵塔渺何處銅駝荆棘拋城濠豈如斯塔崇妙善
邵村日月仍怕怕

媚川池

亦曰媚川都在城南大步海南漢劉鋹採珠於此隸役凡二千人每日溺死者甚眾

宋開寶五年詔廢之

晶凝錯落涵空碧結作步搖好顏色劉王發令窮冥挖

千人下與老龍敵海天蒼蒼日冥冥老龍睡起波濤腥
垂涎頷下弄秋水驪珠點點含明星星猶易摘珠難得
懸腸草斷苔花織性命千人一髮危白骨天寒浸波壁
乞王停役王不憐進珠不足湯鑊煎菲簾滿綴燈嵌壁
零星乃用爲鞍韉結作戲龍多巧思君王玩罷宮嬪媚
豈知飛白千盤珠盡是窮黎萬家淚恨身不化爲鮫人
泣罷成珠尙有身君恩似海紀開寶降王已去波爲春
至今歲歲來胡賈欲檢遺珠出江浦江邊剪紙誰招魂
漁火青熒瘦蛟舞

夢痕仙館詩鈔卷二

四

羅漢閣碑

在縣城資福寺宋蘇文忠撰并書且以古玉壁薦舍利施諸閣並爲作舍利銘

及再生柏贊

浮空金碧連三城峩峩寶閣何崢嶸莊嚴之極冠南越
湧地千柱蓮花莖碑云浮空三城湧地千柱莊嚴之極實冠南越何年結構祖
堂老僧波提自闢三摩靈閣成琢石待文記德雲再世

來前星東坡寓惠無宦情雪泥爪印飛鴻輕欣然秉筆

錯落寫彌天花雨著紙馨祥光四壁忽發越赤虬滿吐

珠精瑩老僧夢醒佛不語點頭知是公文成祖堂一夕夢赤蛇吐

珠壁上驚日公文成矣妙明舍利供閣上薦以白壁凝寒晶豈惟

愧懼捨二法菩提無上參三乘

碑有故捨愧懼二法云云

年深斷爛

苔蘚蝕猶有片石留禪局五十餘字得拓本紅霞散護

翔鸞形覃溪學士偏好古金石著略編緝繩緣何誤附

邵碑後五百羅漢心同驚想因諸佛菩薩字未考老比

人何名塔銘柏贊並堪寶續貂刻石宜兢兢

明萬厯間碑僅存五

十餘字翁覃溪拓得以爲鎮象塔之後半著之粵東金石畧蓋因佛菩薩字而誤然殘碑尙存老比祖堂之名覃谿未詳考耳康熙四十六年邑人梁濤重書此碑並嵌於石壁

鳳臺詩社

臺在城西上清觀側邑人結詩社其上陳侍郎璉嘗爲寶安詩錄自宋元至國

初其後祇方伯順增損爲前集復得數十人爲後集同時邑中亦有南園詩社粵中惟東莞有

夢痕仙館詩鈔卷二

五

合集

鳳臺高出天浮翠遠對羅浮挹空靄合離風雨助吟聲

一朵仙雲落窗外窗外詩情起晚天幾人綺思似青蓮

指點滄溟落帆日平分井竈萬家烟弄筆然脂收散馥

夜夜清吟聞琴筑前後篇章燦錦箋滿卷琳琅觸人目

落葉蕭然響曲廊何時金闕傍寥陽

上清觀建於梁武帝時至宋蘇長公

額曰金闕寥陽之殿

六朝殿碣彫零盡竹柏年年怨鳳凰鳳去臺

空竟何有詩人幾輩應回首長吉閒拋錦繡囊少陵怕

飲茱萸酒我來憑弔幾徘徊細雨空階長綠苔南園亦

剩當年草東閣猶開昔日梅吐鳳清才誰氏子兔葵燕
麥荒蕪理欣然把筆上高臺共做騷壇執牛耳

宋宗姬墓

在邑東石井村獅子嶺傳宗姬是宋高宗女南渡時播遷於此邑人鄧銑獲之

以配其子生子林槐杞梓後林以母手書上聞光宗詔賜祀田十頃

清明細雨花如霧躡躑荒阡草邊路古墳封樹尙巍然
旁人競說宗姬墓宗姬兌野昔流芬金鳳香囊帶麝薰
紫漢秦樓思得月黃山魯館待連雲幾日平陽教歌舞
瑞萼奇葩豔初吐未成步輦七香車天孫枉盼銀河渚
驚聞鼙鼓忽喧然南渡倉皇劇可憐妃子紅顏盡黃土

夢痕仙館詩鈔卷二

六

君王雪窖怨冰天梨雲帶雨熒熒淚骨肉誰云相見易
玉樓飛絮任風狂金谷名花和露墜掩面吞聲感路人
穠如桃李易爲春江郎無意攀瓊蕊張果何心得玉眞
荆釵九折苔花暈夜織鴛機誰過問天涯綠葉已成陰
隔斷春風稀雁信回憶梅花拂落妝娥臺別敞杏爲梁
雕籠曉月調鸚鵡舊曲春宵怨鳳凰紫玉烟消香拾襲
天荒地老何嗟及祇今孤冢對夕陽棠梨猶帶殘紅泣
宵宵燐火散繁星恍忽飄零似楚萍花落子規殘血碧
草連衰柳暮烟青扶桑枝折空春色玉骨何嫌葬邊城

君不見素馨墓近玉鉤斜上塚無人作寒食麥飯村村

掛紙錢

今新安之錦田
厦村皆宗姬後

銅駝荆棘記何年宋家陵寢荒

蕪盡十頃依然說祀田

邵村

在縣西南篁村仁壽里南漢邵廷珩生長於
此故名余所居正其處兒時常於瓦礫中得

斷碣是張漁石邵村石刻銘其詞曰邵村者邵
公廷珩之故村漢宮泚廟已悉蕩爲平原覽史
志而考里居猶髣髴乎烈氣與忠魂

里名仁壽多耆耆松陰滿坐耕田叟故老猶能說邵村

耿耿忠魂長不朽劉王劉王爾何人殿前執挺甘稱臣

天險頻因荒宴失降帆一片流江濱禹餘宮使冤何雪

夢痕仙館詩鈔卷二

七

貂璫貝錦多讒說梅花猶白將軍城杜鵑已碧萋宏血

化鶴歸來城郭非魄魂仍自故鄉依洗口祠荒任憑弔

幾人繫馬當斜暉劉家疆土今無主歌舞岡頭螻蛄語

花農耕得素馨田剩有香魂泣秋雨何如桑梓蔭甘棠

孤臣烈氣成千古資福曾施彌勒寺問名猶記將軍府

資福寺在城內規模宏
敞是邵廷珩施宅所建

謝公已去孰爭墩

邵村今稱
邵公墩

往

事蒼茫不復論村前疎柳掩行徑喜有張融來結鄰

望至堂

在烏沙村宋少帝駐蹕厓門邑人李佳母
陳氏遣佳應詔遂自沈於黃木灣佳赴行
在得潮州教授而還痛母之死築堂以望之

堂上孝烏折雙翅堂北萱花隨雨萎傷心昔日倚閭人
想像慈闈徒望至主憂臣辱理則然小人有母垂暮年
不求當歸求遠志孤舟入海難遷延臣去牽裾母猶健
臣歸已抱終天恨遠覽曾難奉板輿臨行猶記縫衣線
兩槩愁過黃木灣故園遙望淚潺湲綠波三尺依依影
中有慈親舊日顏打點春盤餐苜蓿遺有君羹惟痛哭
宋家坏土亦全無誰築斯堂傍林麓君不見慈元殿奉
楊太妃厓門潮汐來無時趙氏遺孤旣難保全家骨肉
波濤馳君臣遇合已如此躑躅寒林問遺址堂前寸寸
草抽心動我春暉遊子吟

夢痕仙館詩鈔卷二

八

桂花柱

福隆堤上真武廟西廊有石柱高九尺許
名桂花柱每曙色初分清風微拂香生柱
間清如金粟以手拭之作黃色指香可留彌時

吳剛著力揮天斧千年桂樹落塵土雕琢不假人工成
金聲石色耀廊廡微風蕭蕭吹柳花行人堤上踏斷霞
清香著鼻不知處一丸月上菩提紗全身金粟如來影
以手拭之光回阿木犀參透五指禪寂寂虛廊晝初永
於今大厦正須才柱石天家位上台泰山老松欣覓得
片片龍鱗現金色

過洋樂

李竹隱當宋未使其婿熊飛勤王而身浮海至日本以詩書教授國人被其化稱曰夫子比歿以鼓吹一部送之返里至今邑人送喪皆用日本鼓吹號過洋樂樂人皆倭衣倭帽以像之

芙蓉一碧夷澶洲仙樂縹緲飛瓊樓何年徐福去不返
三神山上閒勾留至今風俗仍溫雅不好神仙好儒者
碧蹄館進羔雁多兩槳迎來木蘭柁童男童女三千人
虬鬚短髮不易馴文身徒跣拜夫子扶桑競進玻璃春
教之文字君房始更以詩書闡精理杏壇化雨將無同
槐市春風迴難擬高山流水移我情伯牙已死停琴聲

夢痕仙館詩鈔卷二

九

倭衣倭帽送歸去虞歌引路標輻旌幾輩乘桴任飄泊
九夷雖陋居猶樂攢眉一旦感秋風垂老怕聽過洋樂

花溪銀塘

在榴花村村人熊飛當宋末起兵勤王屢殺元將後巷戰死所居銅嶺去城十里有塔曰榴花塔飛起兵時與元兵大戰於此至今陰雨猶聞金鼓之聲塔左爲花溪右爲銀塘有巨石四飛自刻花溪銀塘四字亂之復整人以爲神

峩峩銅嶺傳宵烽橫飛鵠箭彎虵弓模糊戰血不可辨
化作萬樹榴花紅榴花千歲不改色想見丹心照霞旄
臣稱敢自卑草莽國事何如指荆棘孤塔年年伴落花
依稀鈴語尙喧譁沈沈忽聽鼓聲死黑雲壓山雨脚斜

祇今波泛銀塘綠花溪一帶香雲簇碧血長流壻水清

白頭疑效秦庭哭

時李竹隱先生使其婿熊飛起義乃浮海至日本

書生豈是

覓封侯肝膽頻傾爲國謀磨崖大字亂復整忠魂與石

長千秋

無題

明河轉處逗疏檐涼影依稀上楚縑細雨獨行秋悄悄
行雲無信夜厭厭長拋鶴頂慵梳髻虛畫蛾眉拂鏡奩
不必微詞妨宋玉須妨鸚鵡語多尖

素面朝天虢國姨同承恩澤更阿誰雙蓉帳好羞鸞鳳

夢痕仙館詩鈔卷二

十

一字香殘憶女兒自看曉妝憐瘦影可憐春夢有醒時

東風此日真無賴種得桃花反悔癡

吾邑出女兒香貢品也

山前紫草混蒼苔華嶺明星有玉臺烏鵲未酬緣底事

青禽從此不常來枉傳張碩通仙籍誰信王喬是美才

漫謂絳河纔一水蓬萊水闊浪千堆

閑情花月易消磨窈窕年華感逝波難得佳名羸薄倖

果真好事易蹉跎飄零團扇班姬怨淡蕩春衫子夜歌

莫倚闌干思往日長安柳色惱人多

己丑春闈報罷用查初白丁卯秋闈報罷呈諸先

輩韻

欲上燕臺望白雲，雲天萬里路中分。
茫茫蓬島舟難到，渺渺關山雁失羣。
帖報泥金鄰舍喜，歌翻柳絮倚裝聞。
護持行篋教僮僕，中有劉蕡下第文。

世事年來漸不同，直思投筆去從戎。
寂寥鄧禹應相笑，慚愧昌黎亦送窮。
十載囊螢寒士恨，千金市駿霸王風。
不須頭腦冬烘誚，總是相如賦未工。

良友招攜似弟兄，啣杯看劍氣縱橫。
依然黃卷沈酣日，頗有青樓薄倖名。
春色飄零狂杜牧，窮愁著述老虞卿。

夢痕仙館詩鈔卷二

十一

最憐霜髻星星出，一度秋風長數莖。

太息先生一再鬢，問天幾欲效靈均。
不逢伯樂且伏櫪，

豈有西施長負薪。李白詩：嬖母衣錦西施負薪。落落琴絃幾同調，飛

飛燕子怕依人。齒牙餘論今猶憶，定領官倉五斗陳。承面

吾師何小宋制軍譽淦文字定食京師老米蓋謂必作京朝官也羊公之鶴抱愧奚似

光陰似箭易蹉跎，好景匆匆瞥眼過。
人海藏身徒感慨，

西山爽氣問如何。輦紅塵裏銷魂語，浮白杯中倚醉歌。

來歲相期探杏至，曲江花事逐年多。聞來歲庚寅亦有會試

旅滬數月，過往乍浦舟次平湖縣前對月

怕向風塵老屋霜客裏過他鄉偏對月靜夜不聞歌塔
臺洲前筆帆飛水面梭舟人猶未寢笑我醉顏酡

登乍浦城樓

關津荆棘後詩句酒杯中風過蕪城碧花生廢壘紅幻
觀波底蜃飢語塞邊鴻不盡登臨感長歌倚暮空

保安城永和亭

在乍浦燈光山上咸豐乙卯浙撫
所立蓋因閩廣糖幫起釁爭鬪事

後立碑警之

孤城臺山頂重烽列其西城邊有石亭側壓千年礮豐

碑矗亭中大字色若鷲刺苔子細讀苦語聞提撕大致

夢痕仙館詩鈔卷二

三

論賈人閩越天涯低重洋遠冒險輕身逢海鯨誰作壘
斷謀同業相排擠睚眦棄性命骨沒波間泥爾不顧一
身家人實含悽父母頻倚閨妻孥盼柳黃征人胡不回
春夢多離迷勸爾各敦睦毋因財噬臍子母可善權朋
侶相提攜築亭名永和妙義蘇羣黎我來正雨後谷澗
風餘淒女蘿語山鬼孤猿向人啼名利途雖殊營求心
則齊崎嶇數千里雲路階無梯魚素從東來寒衣寄深
閨登臨念骨肉有徑難攀躋撫髀自歎息讀罷仍扶藜
寒笳又日暮蕭蕭聞馬嘶

無題四首

天涯何處慰朝飢每到湘江憶宓妃
淡著粉香紅芍藥
滿含春色紫薔薇
珠衣霞珮芳塵拖
玉宇瓊樓錦霧醅
憶否唐昌初會面
夜來懷抱總依依

但說佳名便可人
此花宜占錦城春
斜牽金縷拋紅豆
輕打銀箏轉絳唇
千尺潭深濃貯豔
一鉤月好照含顰
寸心未肯人前露
縱態迷歡總未真

金繡羅衫整晚妝
簫聲斷續過橫塘
連天薄醉花如夢
特地相看眼更狂
未作好詩酬阿輦
早知有意嫁王昌

夢痕仙館詩鈔卷二

三

最憐無力相偎傍
倩脫鮫綃六幅裳
想像芳蹤欲賦難
含羞忍笑倚雕闌
情知此顆珠無價
豔說前宵玉辟寒
去後心懷中若酒
別時情語膩於檀
試看銀篋移燈上
蠟燭能癡淚不乾

題范雲萼司馬

祝崧

詩集

江湖逢范叔
身世忍重論
絲竹中年感
干戈定後魂
茅誅宋玉宅
花發子山園
不必傷搖落
文章絕業存
洩將孤憤語
詩老氣橫秋
哀豔江郎筆
離騷屈子憂
烟霞收鶴渚
風雨錮龍湫
默數天涯侶
斯人孰可儔

我亦羈愁客，衙齋喜過從。時余寓陳印波都督署內冰天吟冷句，海

國語殘冬。柏葉傾春酒，梅花笑醉容。陳山一迴首，落日

並支筇。

乞得元章石

雲萼有移居城南乞石詩

城南關綠蕪，星隨若耶隱。雲

伴草堂孤

雲萼有九峯草堂圖爲戴文節公所畫

詩定窮時好，棋翻劫外

枯風塵有知，已毋自愴中途。

偕范雲萼登珠山遠望

山多黑石

珠山山下水千尺，却與珠江水同碧。我登絕頂望故鄉，

一片孤飛白雲白。是時日落前山紅，蒼茫雲海迴天風。

夢痕仙館詩鈔卷二

十四

遠觀寒驛小於點，峭帆白浪如飛蓬。苦憶年年走滄海，

壯遊萬里雄心在。錯磨翻恐老風塵，石爛南山性終改。

同遊范叔亦可憐，崎嶇老病囊無錢。有時興到獨沽酒，

醉中往往詩百篇。山僧留客同參禪，特進苦茗山中泉。

人人知我遠行客，殷勤問訊羊城石。敷陳誑說石有神，

妄語未除佛應責。

雨後聞風濤聲

衙齋共賞幾株梅，醉後猶聞數舉杯。半夜忽驚孤客夢，

大江風挾怒潮回。

補梅廬賞梅

在乍浦
協署內

老梅長植都督衙昔年兩度開瓊葩癯仙蹤跡不易致
此來洵足因緣誇都督愛花手親種遠步移將孤鶴控
一夕東風嶺上來衙齋消息春先動枝裏香痕乍返魂
簷前雪意都含凍

七年前印波都督攝篆茲土齋梅一
歲兩度作花今年授職重來恍悟當

年佳兆彌護惜之因於隙
地徧植梅花以誌宿緣

傳聞此地歷于戈三十年前

荆棘多與民休息貴鎮定經營玉壘今如何蕪城日日
草萊闢運甕齋前已朝夕海邦無事且安閒猶得與梅
話疇昔我來正值花炫色新花舊花間紅白主人愛客

夢痕仙館詩鈔卷二

五

使客歌每向花間展瑤席幾杯醉向竹葉春夢中忽墮
羅浮雲羅浮山下梅花村梅花爲主吾爲賓主賓無言
靜相對意外似笑塵中人明年又向江南路一枝春發
江南樹忽逢驛使寄花回賞花並寄同心句

己丑除夕時年三十

三十年華數向前年年家裏度新年無端又說新年至
除夕他鄉損夜眠

夢遊西湖

西湖舊約今幾年翠微圖畫窺層巔夜來一夢入何處

墮此十頃玻璃天天開路轉小橋渡清流碧巘相迴旋
何人湖尾翦葑草橫種萬柄秋江蓮千弓雲錦忽蕩漾
夕陽遠岸皆澄鮮孤山時有孤雲連鐘聲正落蒼崖邊
巢居閣畔靜棲鶴總宜園內清聞蟬錢塘蘇小渺何去
西泠松柏餘荒阡湖山勝蹟未易徧一一過眼如雲烟
好詩有景斯能傳好景未到情頻牽夢中寓目雖一快
徑欲往買湖中船坡公涉世且爲口菹鱸有味胡舍旃
我來塵世三十載三生欲證愁無緣邇來混濁膺世網
正須清景爲洗湔梅花三百六十樹樹樹花坐湖中仙
羣仙招我盍歸去暗香疏影爲君妍勸君中道毋遷延
西子望君殊可憐

夢痕仙館詩鈔卷二

六

由仁浦往杭州遊西湖留別印波都督并呈雲萼

司馬蕙舫茂才

蓮洋昔主津門張秋谷作詩誌不忘能爲詩人作主人

秋谷

兩心照水秋茫茫

吳蓮洋雯詩才超妙主於津門張君家趙秋谷喜晤作詩贈之

并贈張君有門外喧闐南北

我非詩人頗耽詠主人愛

壺祭征虜更使醉倒千壺觴其時海國風浪浪燕弓弦

勁天有霜圍爐清話不知夜出候缺月孤雲忙纖纖亦
復照我影暗中浮動寒梅香遂令不憶羈旅苦頓收清
景歸詩腸城南范叔今班揚醉中得句神洋洋黃金鑄
淚寫別語一篇觸目青琳琅忻君分明到黑白枰楸指
點古戰場掀髯一笑歲又暮歸心並逐飛鴻翔我來新
舊越兩載歲月急度如風檣臨別贈言且伸志次公自
謂狂非狂近來時事須幹濟餘事乃發爲文章好鍊筋
骨爲世用請自今始雖處囊湖山似是舊遊處此來猿
鶴皆徬徨九十九峯喚雲出將爲霖雨周八荒君不見

夢痕仙館詩鈔卷二

七

左祠蔣廟彭公奩豐碑突屹爭煌煌人生如此自適意
安能跼蹐孤山傍嗚呼吾黨二三子好磨快劍求干將
枕劍封侯夢正長有人湖畔炊黃梁

舟泊破石鎮

千畝濃陰盡樹柔越吟聲好和鳴榔輕舟一葉溯流水
孤雁幾聲悽夕陽靡已成塵香渺渺繭能抽緒恨茫茫
客遊久已禁寒慣不買新絲買錦囊

將至杭州

一洗羈人縹緲愁郵籤取次近杭州卞和有玉經三獻

蘇季無金愛遠遊，載酒香山如隔世。
觀濤枚筆足千秋，不須更作西湖夢。
十日當乘畫裏舟。

過南園舊址

堆錦眠香與望霞，園林何處認韓家。
可憐野菊三千本，晚節香亭有落花。

初到西湖

西湖天下景，蘇公昔長吟。其人判賢愚，
所得有淺深。嗟我賦性拙，亦泛扁舟臨。
湖水洗我目，湖月照我心。水月忽蕩漾，
並滌塵中襟。梅花解相喚，遠度孤山岑。
老鶴向亭舞，喜我能來尋。一聲嘯山谷，
鸞鳳答遺音。高山與流水，並是鍾期琴。
頗恨昔人評，顛倒直到今。或云似美人，
西子倚綠潯。或云似賢士，契闊寤寐欽。
美人誰贈瓊，賢士誰鑄金。我愚兩不知，
且盡愛敬忱。一杯奠湖神，獨飲還酌斟。
詩成頗自喜，徙倚藤蘿陰。

玉泉

方塘涵翠微，鏡影敞禪室。飛珠轉石竇，
潛流乃融溢。渾然綠玉色，未容點丹漆。
最宜碧琅玕，叢竹映綿密。悠然五色魚，
潑刺隊隊出。玉鱗幸未損，金經聽纔畢。
中多蛟

龍種其志在溟渤韜藏亦云久豈向池中沒風雲將有
會至理悟伸屈我來酌泉飲一潤肺腑渴觀魚洵足樂
假寐倚銅佛彷彿聞老龍擊掌向仙窟同遊喚我醒惘
然夢俱失徘徊不忍去前山半銜日

吳山阮太傅祠看梅花有懷黃日坡茂才

獨立吳山看山色山腰一片梅花白踏雪衝烟得得來
尋花拌折遊山屐近觀原是阮公祠一瓣心香是我師
修竹祠堂煥金碧誰云好事非吳兒小亭滿繞花如雪
繆曲鱗皴枝似鐵此香分得孤山來玉骨冰肌並清絕

夢痕仙館詩鈔卷二

九

我別山堂已一年梅花應發石闌邊此君亭畔一枝好

學海堂有
此君亭

棖觸鄉心夢不圓遙想故人詩興到載酒看

花寄孤傲吳山越水兩悠然恨無驛使將春報浪遊踪
跡徧東南好景偏難結伴探明朝又上丁仙閣更約癯
仙作茗談

旅夜

鄉思消磨年復年好將閱歷作鍼砭人情恰似秋雲薄
別恨翻同夜雨添風裡峭帆愁李白夢中錦段寄江淹
何堪移枕孤燈畔叫角寒聲逼酒帘

鶴渚

飢驅南北又西東
逆旅乾坤似轉蓬
分得鶴田糧數畝
不妨長住此山中

杭城望仙橋客館聞雁

旅館人初靜
長空雁忽聞
寥天發高響
特地愴離羣
片影殘鋪月
歸心渺若雲
書空竟何益
酒意取微醺

過蘇小小墓感賦百韻

蘇小今何在
長教勝事傳
西湖重問訊
北里託因緣
夜月誰呼酒
春風客放船
招尋過曲徑
躑躅向芳阡
八角

夢痕仙館詩鈔卷二

三

亭橫翠重階
石認礪方花
縈古礎篆薛
剝陳磚碣有殘
脂漬墩疑贖
粉填同心爲
翦紙無意拾
遺鈿此境洵仙
境湖邊卽柳
邊花飛憐作絮
水碧已成烟
堤外金沙軟
波間錦石連
荇仍牽若帶
荷亦小於錢
隔幔晨霞冪
深林夜月穿
共嗟埋恨地
誰賦有情天
幾輩鄉親認
佳人姓字鐫
鑄金知有願
埋玉問何年
好夢醒蛛蝶
殘春咽杜鵑
微波情渺渺
暮雨淚漣漣
憶昔歡娛會
惟卿美豔全
桃花偷面色
翠岫列眉巔
羅襪凌波步
香綃疊雪肩
依稀釵化燕
想像鬢飛蟬
點翠消春惱
施朱洗夕蕙
湘

霜澄粉豔絳雪愛丹研墮馬九鬟換游龍一笑嫣新妝
彌綺麗舊譜認嬋娟學醉心相許含顰態更妍綠窗依
碧蕙紫水泛紅蓮更有才名著真能妙蘊宣滿栽蘇蕙
錦小擘薛濤箋待月黃昏後吟春曲檻前琉璃隨硯匣
几席效丹鉛醉草紅蘭賦移文紫石篇詞工對鸞鳳句
好綴璣璫學士裁宮體文星近女嬋自從埋玉樹遺製
杳金荃才貌兼如此風流豈偶然笑看鸞鏡舞羣說鳳
窠闌青鳥曾傳信黃驄此駐鞭楚襄魂乍定杜牧意能
專奇服鏘鳴玉通誠解佩瑤招延移繡屐飄忽駕雲輶

夢痕仙館詩鈔卷二

三

狎客歡能聚王孫忿亦蠲燭殘憐夜盡花好爲春妍豈
必誇吳市相將過洛川香塵紅袖拂春水綠裙湔直似
瑤池降歸從華嶺遄温存有劉阮顛倒到期佺理學眞
程顥貧官老鄭虔亦將金教舞不惜錦爲纏子夜來聽
曲維摩總解禪尋歡期密密買笑恥菱菱爲雨心常在
行雲夢正圓風光憐爾好性命有人捐樂府傳新曲遺

章製昔賢陵知松栢古詞寫柳枝鮮白老驚霜鬢蘇公

應斗躔題糕丹嶠客潑墨紫芝仙

古樂府錢塘蘇小小歌有何處結同心西

冷松柏下語白香山有柳色春藏蘇小家句劉禹錫見
之亦有酬作他如徐鉉柳枝詞及周紫芝湖堤步遊亦

有弔蘇妙妓心如蕙諸君筆似椽豔詩徵鶴和才語總
小墓詩

蟬聯白板留橋雪紅牆隔屋樓蜃嘘樓閣幻鴻認畫圖

翩歌柳人來否執鞭余慕焉家藏春色滿地總臥遊便

載籍閒稽考佳城似變遷廣微翻異說才仲妙言詮陸廣

微吳地志據唐徐凝詩謂蘇小墓在嘉興縣治春渚紀
間謂司馬才仲爲錢塘幕官解舍後有蘇小墓又才仲

夢蘇小歌曰妾本錢塘江上住
謂其墓不在湖上西泠橋云云玉椀微無自瓊枝隕可

憐橋頭餘斷雪湖底咽流泉拜墓情同切爭墩意自偏

但令證鴻爪何必問魚筌嶺海昔南渡檣帆今北還倦

遊囊已澀破寂酒無權袂記遊湖把袂因涉水寒斜陽

夢痕仙館詩鈔卷二

孤塔度春浪小舟沿太息亭千古摩挲石一拳臨流支

竹杖席地坐花瓊愁緒千絲結鄉心四望懸修帷牽翠

羽小鼎炷龍涎燈喜瑤花結茶教玉茗煎高邱折瓊佩

靈卜索筮筭求偶思姚女通詞託茂先馭憐蜨局顧言

苦鳩媒諺瘦質孤山鶴雄心博望騫美人怨遲暮羽士

戲蹠躩有客歌斫地長聲和叩舷勞生盡牛馬妙義悟

魚鳶好比樗棲壑毋同柳作捲相思本無益歸去且言

旋旅館消寒會孤燈獨夜眠麝臍長怨恨蝶夢忽連卷

有女惠然至其人美且鬢瓌姿疑沒骨靨輔正承顴媚

眼看流麗奇牙見笑嗎獻璫知意重翳袖又情牽海外
山皆玉宮中榜是璇相邀同徙倚此際自纏綿後會仍
殷訂前程尙勉旃神交原恂恍仙意憫迤邐南宋無疆
土西泠有墓田作詩一憑弔才愧賦靈甄

醉題酒家

綠楊繫馬傍春洲小酌眞宜樓外樓

樓名

留得酒痕歸去

好逢人抵掌說杭州

偕許愷儔遊靈隱天竺上冷泉亭作歌

時經亂後靈隱天竺

各寺已燬惟羅漢堂尙存

夢痕仙館詩鈔卷二

三

我不知何處天竺山飛來摩天一碧蒼霞堆又不知冷
泉何日始冷起縈沙漱壑千瓊瑰山容愈靜水愈響迸
作奔雷氣騰上春淙兩澗月一奩靈鷲寺前神颯爽無
情有意兩不知高山流水我所思袖中恰攜香山記酒
後愛詠東坡詩許生獨抱春時恨把盞悲歌讀天問名
山遭劫古來有廢刹荒涼誰復歎吁嗟許生歌且綴嶺
頭明月幾圓缺人世空花原夢幻幽徑流泉自淒咽君
不見深深五百羅漢堂金身不壞如金剛又不見韜光
菴上一片石年年綠蘚含秋霜劫灰化後成今古眼見

東海耕成桑惟有禪心悟有入空寂意與眞宰同茫茫
靈隱前天竺後靈鷲之峯亦何有觀風亭見山亭候仙
虛白誰爲名候仙虛白觀風見山四亭與冷泉亭如指之列見白香山冷泉亭記白蘇二
先生青山久埋骨世人盡墮塵網中孰住錢塘六百日
我來亭上偶煎茶冷泉泉水熱忽溢茶夢圓成起捫蝨
懶說興亡惱銅佛

虎跑泉

南岳與錢塘相隔幾千里天吳海未移虎跑泉已徙衝
雲自爲潭沈碧逗烟起感沸濺潛竇形若聯珠似奩鏡
寫古雪鑿嵌注石髓性公掬一勺駐錫不徙矣深山神
預告諸天佛歡喜聞聲湧梵唄漱冷沁牙齒品泉者何
人月旦從此始我來藉林翠茶啜一甌美傾心生幻想
願乞升斗水涓涓拔雲根移我邵村裏禪師肯惠借更
喚二童子

行深山中

莫吹羌笛惱離腸山色青紅日色黃一路梅開雪千片
馬頭雲氣作花香

晚望

落日晴江暮色催離思誰上望鄉臺殘霞一碧暮山遠
猶有孤帆空際來

登吳山望西湖歸賦

獨上吳山看暮江滿湖歌管換新腔目中西子人千古
圖裏東坡屐一雙高塔鵲盤雲未散詩篇龍吼氣難降
擬將妻子山中隱居士前身似姓龐

漫成

蕭蕭蓬髻帶愁縈猶有風流絕世情折柳未逢蘇小小
彈箏欲訪薛瓊瓊不教春去花常好記得來時月正盈

夢痕仙館詩鈔卷二

五

問訊蓬萊舊消息碧窗紅淚爲誰傾

龍井

乘輿上山
後步行

一路肩輿來山翠壓肩重風篁已成韻幽澗碧欲動落
花流澗中迴崖暗香擁秀絕湖山石雲根補天空幾家
茅結屋百畝茶平隴陽崖露初灑陰嶺月頻涌不數春
山芽大寒小寒種僧分一甌碧香氣裂鼻孔疏淪通仙
靈清峭散塵壅已覺喉吻潤腰脚賈餘勇古寺偶流連
峭壁恣騰踊歸來詩思清夜吟定肩聳

岳王墳

岳王廟前老松樹龍鱗犀甲挈空怒參天黛色伴柏枝
滿堤桃柳如猜妬廟側數步岳王墳古碑青字染白雲
墓門近接湖水綠山花山草皆涵春行人謁墳多憤意
我拜墳下笑不已君不見階前露滴數鐵人朝朝淚落
如鉛水寒泉一盞奠莫哀不薦菊花薦老梅君心豈憾
莫須有我意欲歌歸去來金陀休誌小朝廷殘山賸水
入杳冥魂兮歸來化鶴語傷心陵草披冬青棲霞嶺霞
綺自千古松柏長依一坏土分骸老檜知未知岳王墓
樹皆南枝

夢痕仙館詩鈔卷二

美

月下聞笛

牀前明月似清霜月下征人正望鄉入夜關山如水冷
倚樓心緒逐雲忙商聲激遠吟龍和秋意橫空著雁行
莫問降羌與征將金閨愁思已難量

悲歌

慷慨悲歌嘯晚風蒼茫天地歎途窮新年霜鬢惟添白
旅館燈花也解紅王儉豈真依幕下劉伶未肯處禪中

間來一賦高軒過垂翅今爲避弋鴻

某宦以幕府視
余吟此謝之

夢痕仙館詩鈔卷二終



此詩曾藏虞山胡炳益太史
復脩霽前后朱印燦簇殊
可寶貴願閱者珍重之六
詩壇佳話也

癸未九秋飄山馮琴友識

三三〇六



